



МОНГОЛЫН ОЛОН УЛСЫН БА ҮНДЭСНИЙ  
СПОРТЫН АРБИТР



## СУРГАЛТЫН ЖУРАМ

2024 оны 01 дүгээр сарын 01-ний  
өдрөөс хүчин төгөлдөр хэрэгжиж эхэлнэ.

## СУРГАЛТЫН ЖУРАМ

### НЭГ. НИЙТЛЭГ ҮНДЭСЛЭЛ

- 1.1. Монголын Олон улсын ба үндэсний Спортын арбитр /цаашид “Спортын арбитр” гэх/-аас арбитрчид, допингийн давж заалдах комиссын гишүүн болон эвлэрүүлэн зуучлагч нарт сургалт зохион байгуулах, сургалтад нийт арбитрчид, комиссын гишүүн, эвлэрүүлэн зуучлагч нарыг хамруулж онолын мэдлэг, практик ур чадварыг хөгжүүлэх, давтан сургах, мэргэшүүлэхэд энэхүү журмын зорилго оршино.
- 1.2. Энэ журмаар Монголын Олон улсын ба үндэсний Спортын арбитрын арбитрч, допингийн Давж заалдах комиссын гишүүн, Эвлэрүүлэн зуучлагчид чиглэсэн сургалтын үйл ажиллагаа, түүнтэй холбогдон гарах харилцааг зохицуулна.

### ХОЁР. СУРГАЛТ ЗОХИОН БАЙГУУЛАХ

- 2.1. Арбитрч, комиссын гишүүн, эвлэрүүлэн зуучлагчдын сургалтыг жилд хоёроос доошгүй удаа зохион байгуулна.
- 2.2. Сургалтыг тухайн салбарын мэргэжлийн багшаар удирдуулан орчин үеийн шаардлага хангасан нөхцөлд зохион байгуулна.
- 2.3. Арбитрч, комиссын гишүүн, эвлэрүүлэн зуучлагчдын сургалт явуулах байр танхим, багш нарын зохион байгуулалтыг Монголын Олон улсын ба үндэсний Спортын арбитр хариуцна.
- 2.4. Сургалтын зардлыг арбитрч, комиссын гишүүн, эвлэрүүлэн зуучлагч хариуцна. Сургалтын зардлыг тухай бүр Ерөнхийлөгчийн тушаалаар тогтооно.
- 2.5. Арбитрч, эвлэрүүлэн зуучлагчдын сургалт хийх хугацааг урьдчилан санал авч, тэдний гаргасан санал дээр үндэслэн сургалтын хугацааг товллоно.
- 2.6. Арбитрчдын сургалтыг Спортын арбитрын дүрэм, Спортын арбитрын хэрэг хянан шийдвэрлэх дүрэм болон бусад дүрэм, журмаар онол, практикын хичээл болон бусад хууль, журам, арбитрчдын санал болгосон хичээлийн сэдвээр сургалт явуулж сургалтын төгсгөлд чөлөөт ярилцлага явуулна.
- 2.7. Комиссын гишүүдэд энэхүү журмын 2.6-д зааснаас гадна Давж заалдах комиссын дүрэм, Давж заалдах комиссын хэрэг хянан шийдвэрлэх дүрэм болон Дэлхийн

допингийн эсрэг агентлаг болон Дэлхийн допингийн эсрэг дүрэм, олон улсын стандартуудын дагуу зохион байгуулна.

- 2.8. Эвлэрүүлэн зуучлагч нарт Эвлэрүүлэн зуучлах дүрэм болон энэхүү журмын 2.6, 2.7-д заасан сургалтыг явуулна.

### ГУРАВ. СУРГАЛТЫН ЦАГИЙН КРЕДИТ ТООЦОХ

- 3.1. Сургалт зохион байгуулах хугацааг долоогоос доошгүй хоногийн өмнө бүх арбитрч, комиссын гишүүн, эвлэрүүлэн зуучлагчид мэдээлж хамрагдах боломжоор хангана.
- 3.2. Сургалтын хуваарийн дагуу зохион байгуулагдсан сургалтын цагийг 100% гэж үзээд түүнээс хувилж кредит цагийг тооцно.
- 3.3. Зохион байгуулан явуулсан нэг удаагийн сургалтын цагийг 1 кредитээр тооцох бөгөөд сургалтад бүрэн суусан тохиолдолд кредит цагийг тооцох болно.
- 3.4. Арбитрч, комиссын гишүүн, эвлэрүүлэн зуучлагч нь зохион байгуулсан нэг удаагийн сургалтын цагийг 1 кредитээр тооцох бөгөөд жилд хамгийн багадаа нийт 2 кредит цагийн үнэлгээг авсан байна.
- 3.5. Хүндэтгэн үзэх шалтгаангүйгээр нийт сургалтын 2 кредит цагийн үнэлгээ аваагүй тохиолдолд Арбитрч, комиссын гишүүнээс түдгэлзүүлэх, чөлөөлөх асуудлыг Ерөнхийлөгчийн саналыг харгалзан Монголын Олон улсын ба үндэсний Спортын арбитрын холбооны Удирдах зөвлөл шийдвэрлэнэ.
- 3.6. Арбитрч, комиссын гишүүн, эвлэрүүлэн зуучлагчдын жилийн ажлыг дүгнэхэд сургалтад хамрагдсан байдлыг нэг үзүүлэлт болгон тооцно.

*Жич: Тухайн сургалтад бүрэн суугаагүй тохиолдолд суусан цагийг дүйцүүлэн тооцно.*